

შპს „საქართველოს გაერთიანებული სამელიორაციო სისტემების კომპანია“

ელექტრონული ტენდერის საშუალებით CPV-45200000 - სამუშაოები მთლიანი ან ნაწილობრივი
მშენებლობისათვის და სამოქალაქო მშენებლობის სამუშაოები (CPV -45232120-საირიგაციო სამუშაოები) შესყიდვის
სატენდერო დოკუმენტაცია

წინამდებარე სატენდერო დოკუმენტაცია შედგენილია
„სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული
შესყიდვის, გამარტივებული ელექტრონული ტენდერისა და ელექტრონული ტენდერის
ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის
07.04.2011 წ. N9 ბრძანების საფუძველზე

დაფინანსების წყარო: სახელმწიფო ბიუჯეტი

შესყიდვის სავარაუდო ღირებულება: 92 370 ლარი.

ქ. თბილისი 2012 წ.

1. ტექნიკური დავალება

1.1. შესყიდვის ობიექტი – CPV-45200000 - სამუშაოები მთლიანი ან ნაწილობრივი მშენებლობისათვის და სამოქალაქო მშენებლობის სამუშაოები (CPV -45232120-საირიგაციო სამუშაოები), კერძოდ: თელავის, გურჯაანის, სიღნაღის, დედოფლისწყაროს მუნიციპალიტეტები, ქვემო ალაზნის მაგისტრალურ არხზე არსებული წყალგამშვები ფარების კაპიტალური შეკეთება.

1.2. განსახორციელებელი სამუშაოების პროექტი წარმოადგენს სატენდერო დოკუმენტაციის განუყოფელ ნაწილს და ცალკე ფაილის სახით ათვირთულია შესყიდვების ერთიან ელექტრონულ სისტემაში (იხ. სამშენებლო პროექტი).

1.3. მიმწოდებელი ვალდებულია უზრუნველყოს სამშენებლო ობიექტზე დროებითი ელექტროენერგიისა და წყლის მიყვანა, საჭიროების შემთხვევაში ტერიტორიის შემოღობვა, დროებითი ნაგებობების დადგმა, ასევე მასალების მიტანასთან და ტრანსპორტირებასთან დაკავშირებული და სხვა ხარჯების დაფარვა.

1.4. სამუშაოები სავალდებულოა დაიწყოს შემსყიდველის წერილობითი მოთხოვნიდან და დასრულდეს პროექტით გათვალისწინებული სამშენებლო სამუშაოების წარმოების გეგმა-გრაფიკის შესაბამისად.

1.5. სავალდებულოა, რომ პრეტენდენტს გააჩნდეს ბოლო სამი (2009-2010-2011) წლის მანძილზე განხორციელებული სამშენებლო სამუშაოების გამოცდილება. პრეტენდენტმა უნდა წარმოადგინოს სამშენებლო სამუშაოების შესრულების დამადასტურებელი დოკუმენტების ასლები (ხელშეკრულება, საბოლოო მიღება-ჩაბარების აქტი).

1.6. სავალდებულოა, რომ პრეტენდენტის მიერ 2009-2010-2011 წლებში განხორციელებული სამშენებლო სამუშაოების ფაქტიური ჯამური შესრულება არ იყოს 2 000 000 (ორი მილიონი) ლარზე ნაკლები.

1.7. ხელშეკრულების შესრულების უზრუნველყოფის მიზნით გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს საბანკო დაწესებულების მიერ გაცემული გარანტია ხელშეკრულების უზრუნველყოფის სახელშეკრულებო ღირებულების 5 %-ის ოდენობით.

აღნიშნული გარანტიის წარმოდგენა უნდა განხორციელდეს სახელმწიფო შესყიდვის შესახებ ხელშეკრულების გაფორმებამდე და მისი მოქმედების ვადა უნდა აღემატებოდეს სამუშაოების დასრულების ვადას არანაკლებ 60 კალენდარული დღით. (ნიმუში მოცემულია სატენდერო დოკუმენტაციაში დანართი №4).

1.8. ანგარიშსწორება მოხდება უნაღდო ანგარიშსწორებით საქართველოს ეროვნულ ვალუტაში – ლარში. ანგარიშსწორება განხორციელდება შესრულებული სამუშაოების შესაბამისად გაფორმებულ შუალედური ან/და საბოლოო მიღება-ჩაბარების აქტებზე, შესაბამისი საექსპერტო დაწესებულების მიერ გაცემული დადებითი დასკვნის, (დასკვნისათვის აუცილებელ ხარჯებს გაიღებს შემსყიდველი), საფუძველზე, საგადასახადო ანგარიშ-ფაქტურის წარდგენიდან 15 კალენდარული დღის განმავლობაში. ტექნიკური დავალების მუხლი 1.4-ის გათვალისწინებით (შემსყიდველის მხრიდან მიმწოდებლისათვის სამუშაოს დაწყების შესახებ, ოფიციალური შეტყობინების მიღების შემდგომ).

ტენდერში დაშვებულია წინასწარი ანგარიშსწორება-ავანსი. წინასწარი ანგარიშსწორება განხორციელდება მიმწოდებლის მიერ საბანკო დაწესებულებიდან წარმოდგენილი წინასწარ²

გადასახდელი თანხის იდენტური ოდენობის დოკუმენტით (საბანკო გარანტიით). აღნიშნული გარანტიის ვადა არანაკლებ 60 კალენდარული დღით უნდა აღემატებოდეს პროექტით გათვალისწინებული სამუშაოს შესრულების საბოლოო ვადას. ყოველი ანგარიშსწორებისას მხარეები ითვალისწინებენ ავანსად გაცემული თანხის 20%-ის ოდენობით გამოქვითვას.

1.9. ჩატარებულ სამშენებლო სამუშაოებზე საგარანტიო ვადა უნდა იყოს საბოლოო მიღება-ჩაბარების აქტის გაფორმებიდან არანაკლებ 3 (სამი) წელი. საგარანტიო პერიოდში შესრულებულ სამუშაოზე ხარვეზის გამოვლენის შემთხვევაში მიმწოდებელი ვალდებულია ხარვეზის აღმოფხვრის მიზნით საკუთარი ფინანსური ხარჯებით დაიწყოს სამუშაოების წარმოება შეტყობინების მიღებიდან არაუგვიანეს 24 საათისა და დაასრულოს იგი შესაძლო გონივრულ ვადაში, მაგრამ არაუგვიანეს 2 კვირისა.

გარდა იმ შემთხვევებისა, როცა ხარვეზები მიღებულია არასწორი ექსპლუატაციისა და მექანიკურად მიყენებული დაზიანებისაგან.

1.10. შესასრულებელი სამუშაოების მოცულობის და ხარისხის შესაბამისობას ხელშეკრულებით გათვალისწინებული ვალდებულებების მიმართ სამუშაოების მსვლელობის დროს განახორციელებს ტექნიკური ზედამხედველობისათვის სპეციალურად ამ მიზნისთვის შექმნილი ინსპექტირების ჯგუფი, ყოველი ფარული სამუშაოს მიღება-ჩაბარება უნდა მოხდეს საექსპერტო ორგანიზაციის დასკვნის საფუძველზე, ხოლო სამშენებლო სამუშაოების დასრულებისას საბოლოო მიღება-ჩაბარების აქტის გაფორმების საფუძველს წარმოადგენს შემსყიდველის მიერ შერჩეული შესაბამისი საექსპერტო ორგანიზაციის საბოლოო დასკვნა.

2. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

2.1. შესასრულებელი სამუშაოების ხარჯთაღრიცხვა, სამშენებლო პროექტით გათვალისწინებული დანართების შესაბამისად.

2.2. სამშენებლო პროექტით განსაზღვრული მშენებლობის კალენდარული გეგმა-გრაფიკის მიხედვით, მომზადებული სამუშაოთა წარმოების კალენდარული გეგმა-გრაფიკი.

2.3. პრეტენდენტის სატენდერო წინადადება, მოცემული დანართი №1-ის მიხედვით.

2.4. ინფორმაცია ორგანიზაციის რეკვიზიტების შესახებ, დანართი №2-ის მიხედვით.

2.5. ინფორმაცია პრეტენდენტის მიერ ბოლო სამი (2009-2010-2011) წლის მანძილზე განხორციელებული სამშენებლო სამუშაოების გამოცდილების შესახებ, დანართი №3-ის მიხედვით.

პრეტენდენტმა უნდა წარმოადგინოს სამშენებლო სამუშაოების შესრულების დამადასტურებელი დოკუმენტების ასლები (ხელშეკრულება, საბოლოო მიღება-ჩაბარების აქტი). სავალდებულოა, რომ პრეტენდენტის მიერ 2009-2010-2011 წლებში განხორციელებული სამშენებლო სამუშაოების ფაქტიური ჯამური შესრულება არ იყოს 2 000 000 (ორი მილიონი) ლარზე ნაკლები.

2.6. ინფორმაცია ანგარიშსწორების შესახებ.

2.7. ინფორმაცია სამშენებლო სამუშაოებზე საგარანტიო ვადებისა და პირობების შესახებ.

3. დამატებითი ინფორმაცია

3.1. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია ხელმოწერილი და ბეჭედდასმული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

3.2. სატენდერო წინადადებით გათვალისწინებული სამუშაოს ხარჯთაღრიცხვა წარმოდგენილი უნდა იყოს საქართველოს კანონმდებლობით გათვალისწინებული და სამუშაოს შესრულებასთან დაკავშირებული საქართველოში მოქმედი ყველა გადასახადისა და მიმწოდებლის ყველა სხვა ხარჯის (მათ შორის გეგმიური დაგროვება, ტანსპორტირება, გაუთვალისწინებელი და სხვა ხარჯები) გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

3.3. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში – ლარში.

3.4. პრეტენდენტის მიერ წარმოდგენილი ალტერნატიული წინადადება არ განიხილება.

3.5. ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 60 კალენდარული დღით ტენდერისათვის სტატუსის “წინადადებების მიღება დაწყებულია” მინიჭების ეტაპიდან.

3.6. პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-2 მუხლის პირველი პუნქტის „ქ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

დამატებითი ინფორმაციის მიღება შესაძლებელია სატენდერო კომისიის აპარატში, საკონტაქტო ტელეფონი: 2 457750; 599 946797; საკონტაქტო პირი: ირაკლი ხურციძე-სატენდერო დოკუმენტაციის ზოგად საკითხებზე; სატენდერო დოკუმენტაციის ტექნიკურ საკითხებზე ალექსანდრე ლომიშვილი -595 904975.

შენიშვნა: გამარჯვებულმა პრეტენდენტმა სახელმწიფო შესყიდვის შესახებ ხელშეკრულების გაფორმებამდე შემსყიდველის მოთხოვნის შესაბამისად უნდა წარმოადგინოს ვაჭრობის შედეგად დაფიქსირებული საბოლოო ხარჯთაღრიცხვა.

4. საკვალიფიკაციო მოთხოვნები

4.1. საკვალიფიკაციო მოთხოვნების თანახმად გამარჯვებულმა პრეტენდენტმა უნდა წარმოადგინოს შემდეგი დოკუმენტები:

4.2. იურიდიული პირებისათვის:

ა) ამონაწერი მეწარმეთა და არასამეწარმეო (არაკომერციული) იურიდიული პირების

რეესტრიდან;

ბ) ცნობა სასამართლოდან მასზედ რომ პრეტენდენტის მიმართ არ მიმდინარეობს გადახდისუუნარობის საქმის წარმოება (პირი რომლის მიმართ მიმდინარეობს გადახდისუუნარობის საქმის წარმოება იქნება დისკვალიფიცირებული).

გ) ცნობა საჯარო რეესტრის ეროვნული სააგენტოდან პირის მიმართ საჯაროსამართლებრივი შეზღუდვის არ არსებობის შესახებ (პირი რომლის ქონებასა ან ძირითად საშუალებებს ადევს ყადაღა იქნება დისკვალიფიცირებული).

დ) ცნობა, რომ არ მიმდინარეობს იურიდიული პირის რეორგანიზაციისა ან ლიკვიდაციის პროცესი (პირი რომლის მიმართაც ხორციელდება რეორგანიზაცია ან ლიკვიდაცია იქნება დისკვალიფიცირებული).

4.3. ფიზიკური პირებისათვის:

ა) პირადობის მოწმობის ან პასპორტის ასლი;

ბ) ცნობა სასამართლოდან, რომ არ მიმდინარეობს გაკოტრების საქმისწარმოება.

4.4. როგორც ფიზიკური, ასევე იურიდიული პირებისათვის:

ა) ცნობა საგადასახადო ინსპექციიდან ბიუჯეტის წინაშე დავალიანების არარსებობის შესახებ;

ბ) ცნობა მომსახურე ბანკიდან საბანკო ანგარიშზე ყადაღის (ინკასოს) არარსებობის შესახებ;

4.5. არარეზიდენტი პირებისათვის:

არარეზიდენტმა პრეტენდენტებმა საკვალიფიკაციო მოთხოვნებით გათვალისწინებული დოკუმენტები უნდა წარმოადგინონ თავიანთი ქვეყნის შესაბამისი უფლებამოსილი ორგანოებიდან, რომლებიც თარგმნილი უნდა იყოს ქართულ ენაზე და დამოწმებული იყოს სათანადო წესით.

4.6. პრეტენდენტის მიერ წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს – ტენდერისათვის სტატუსის „წინადადების მიღება დაწყებულია“ მინიჭების თარიღის შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს ტენდერისათვის სტატუსის „წინადადების მიღება დაწყებულია“ მინიჭებამდე არა უგვიანეს 30 დღისა.

4.7. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველი ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები ლეგალიზებული ან აპოსტილით დამოწმებული.

4.8. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში შესაძლებელია განხორციელდეს სისტემის გამოყენების გარეშე, საქართველოს კანონმდებლობით დადგენილი ფორმით. ასევე, პრეტენდენტს უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები (ელექტრონული სახით) შემსყიდველ ორგანიზაციას წარუდგინოს სისტემის მეშვეობით, საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით, წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი

სახელმწიფო შესყიდვის შესახებ ხელშეკრულება №---

ქ. თბილისი

_____ 2012 წ.

ერთის მხრივ, შპს „საქართველოს გაერთიანებული სამელიორაციო სისტემების კომპანია“ (შემდგომში „შემსყიდველი“), წარმოდგენილი მისი დირექტორის _____ სახით და მეორეს მხრივ, „-----“ (შემდგომში „მიმწოდებელი“) წარმოდგენილი მისი დირექტორის-----სახით, სახელმწიფო შესყიდვების შესახებ კანონის და მიმწოდებლის სატენდერო წინადადების საფუძველზე, №SPA_____ ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „სამუშაო“ - მიმწოდებლის მიერ ხელშეკრულებით განსაზღვრული საქმიანობა, რომელიც დეტალურად არის აღწერილი საპროექტო დოკუმენტაციაში.
- 1.3. „საპროექტო დოკუმენტაცია“ - საპროექტო დოკუმენტაცია და სამუშაოთა მოცულობები, რომელიც თან ერთვის ხელშეკრულებას.
- 1.4. „ინსპექტირების ჯგუფი“ - შემსყიდველის მიერ შექმნილი ჯგუფი, რომელიც გააკონტროლებს სამუშაოების მიმდინარეობას და ხელშეკრულებით განსაზღვრული პირობების შესრულებას;
- 1.5. „საექსპერტო დაწესებულება“ - შემსყიდველის მიერ მოწვეული, შესაბამისი საექსპერტო დაწესებულება, რომლის ძირითად საქმიანობას წარმოადგენს, „ინსპექტირების ჯგუფთან“ კოორდინაციაში „მიმწოდებლის“ მიერ წარმოდგენილი, სამუშაოთა შესრულების შუალედური და საბოლოო მიღება-ჩაბარების აქტის კომპეტენციის ფარგლებში განხილვა- შეფასება.
- 1.6. „შუალედური მიღება-ჩაბარების აქტი“ - მხარეთა უფლებამოსილი წარმომადგენლების მიერ ხელმოწერილი დოკუმენტი, რომელიც ადასტურებს, მიმწოდებლის მიერ წინამდებარე ხელშეკრულების პირობებისა და სამშენებლო სტანდარტების შესაბამისად სამუშაოს ნაწილის შესრულებას, ადასტურებს შემსყიდველის მიერ სამუშაოს ნაწილის მიღების ფაქტს და წარმოადგენს ანგარიშსწორების საფუძველს.
- 1.7. „საბოლოო მიღება-ჩაბარების აქტი“ - მხარეთა უფლებამოსილი წარმომადგენლების მიერ ხელმოწერილი დოკუმენტი, რომელიც ადასტურებს, მიმწოდებლის მიერ წინამდებარე ხელშეკრულების პირობებისა და სამშენებლო სტანდარტების შესაბამისად სამუშაოს შესრულებას, ადასტურებს შემსყიდველის მიერ სამუშაოს მიღების ფაქტს და წარმოადგენს ანგარიშსწორების საფუძველს.
- 1.8. „ხარვეზი“ - სამუშაოს ნებისმიერი ნაწილის შეუსრულებლობა ან არაჯეროვნად შესრულება,

რომელიც გათვალისწინებულია ხელშეკრულებითა და საპროექტო დოკუმენტაციით;

1.9. შემსყიდველი ნიშნავს „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტით „ა“ ქვეპუნქტით განსაზღვრული სახსრებით შესყიდვის განმახორციელებელ პირს.

1.10. „მიმწოდებელი“ ნიშნავს პირს, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ.

2. ხელშეკრულების საგანი

ხელშეკრულების საგანს წარმოადგენს CPV-45200000 - სამუშაოები მთლიანი ან ნაწილობრივი მშენებლობისათვის და სამოქალაქო მშენებლობის სამუშაოები კერძოდ: დოეს-გრაკალის მაგისტრალური არხის სარეაბილიტაციო სამუშაოების პირველი ეტაპი., თანდართული ხარჯთაღრიცხვის, სატენდერო, საპროექტო და სხვა თანმდევი დოკუმენტაციის შესაბამისად.

3. ხელშეკრულების ღირებულება

3.1. ხელშეკრულების საერთო ჯამური ღირებულება შეადგენს ----- ლარს დამატებული ღირებულების გადასახადის ჩათვლით.

3.2. ერთეული ღირებულებები მოცემულია ხარჯთაღრიცხვაში, რომელიც წარმოდგენილია „მიმწოდებლის“ მიერ სატენდერო წინადადებით და წარმოადგენს ხელშეკრულების განუყოფელ ნაწილს.

3.3. ხელშეკრულების ჯამური ღირებულება მოიცავს ხელშეკრულებით გათვალისწინებულ სამუშაოს შესრულებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

4. სამუშაოს შესრულების ვადა და მიღება-ჩაბარების წესი

4.1. სამუშაოები სავალდებულოა დაიწყოს შემსყიდველის წერილობითი მოთხოვნიდან და დასრულდეს, „მიმწოდებლის“ მიერ სატენდერო წინადადებით წარმოდგენილი სამშენებლო სამუშაოების წარმოების გეგმა-გრაფიკის შესაბამისად.

4.2. მიმწოდებელს უფლება აქვს შეასრულოს და გადასცეს შემსყიდველს სამუშაო წინამდებარე ხელშეკრულების „4.1“ პუნქტით გათვალისწინებულ ვადაზე ადრე.

4.3. შესრულებული სამუშაოების შუალედური და საბოლოო, მათ შორის ფარული სამუშაოს მიღება-ჩაბარება უნდა განხორციელდეს საექსპერტო დაწესებულების დასკვნის საფუძველზე.

4.4. მიმწოდებელი ვალდებულია წარუდგინოს სამუშაოების შესრულების აქტი (სამუშაოების ჩამონათვალი და ხარჯთაღრიცხვა) - „ფორმა N2“ საექსპერტო დაწესებულებას და ინსპექტირების ჯგუფს განხილვა შეფასებისათვის, შესრულებულ სამუშაოებზე შესაბამისი მიღება-ჩაბარების აქტის გაფორმების მიზნით.

5. ანგარიშსწორების ფორმა და ვადები

5.1. მხარეებს შორის ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

5.2. ანგარიშსწორება განსახორციელებს წინამდებარე ხელშეკრულების მუხლი 7.4.

შესაბამისად, მხარეთა მიერ ხელმოწერილი შუალედური ან/და საბოლოო მიღება-ჩაბარების აქტის საფუძველზე, საგადასახადო ანგარიშ-ფაქტურის წარმოდგენის არსებული წესით.

5.3. ანგარიშსწორება განხორციელდება მიმწოდებლის მიერ „5.2“ პუნქტით გათვალისწინებული დოკუმენტაციის წარდგენიდან 15 კალენდარული დღის განმავლობაში, მიმწოდებლის მიერ წინამდებარე ხელშეკრულებაში მითითებული რეკვიზიტების მიხედვით.

6. მხარეთა უფლება-მოვალეობანი

6.1. შემსყიდველს უფლება აქვს:

6.1.1.სამუშაოს შესრულების ნებისმიერ ეტაპზე განახორციელოს სამშენებლო სამუშაოების შესრულების ინსპექტირება და მიმწოდებელს პერიოდულად მისცეს ინსტრუქციები, რომელიც შეიძლება საჭირო გახდეს სამუშაოების სათანადოდ შესრულების, დასრულების და ხარვეზების გამოსასწორებლად.

6.1.2. განახორციელოს შესრულებული სამუშაოების ტექნიკური ზედამხედველობა და შეამოწმოს მათი შესაბამისობა სამშენებლო პროექტის და საქართველოში მოქმედი მშენებლობის ნორმებსა და წესებში გათვალისწინებული ხარისხის კრიტერიუმების, ტექნიკური სპეციფიკაციებისა და სტანდარტების გათვალისწინებით.

6.1.3.ნებისმიერ დროს მოსთხოვოს მიმწოდებელს სამუშაოების მიმდინარეობის შესახებ ანგარიშის წარდგენა.

6.1.4.მოსთხოვოს მიმწოდებელს სამშენებლო სამუშაოების შესრულება ხარისხიანად, ხელშეკრულებისა და საპროექტო დოკუმენტაციის შესაბამისად.

6.1.5.საჭიროების შემთხვევაში (შემსყიდველის მხრიდან მესამე პირებთან შესასრულებელი ვალდებულებების უზრუნველსაყოფად, ავარიულ-რეჟიმში მუშაოებისა და სხვა დასაბუთებული გარემოებების არსებობის შემთხვევაში) მოსთხოვოს მიმწოდებელს დროებით შეაჩეროს სამუშაოების მიმდინარეობა, ოპერატიულად აცნობოს შემსრულებელს სამუშაოების განახლების შესახებ.

6.2. მიმწოდებელს უფლება აქვს:

6.2.1.მოსთხოვოს შემსყიდველს ხელშეკრულებით დადგენილი პირობების შესაბამისად შესრულებული სამუშაოს ღირებულების ანაზღაურება.

6.2.2.მოსთხოვოს შემსყიდველს სამშენებლო სამუშაოების განსახორციელებლად ყველა საჭირო დოკუმენტაციისა და ინფორმაციის მიწოდება.

6.3. მიმწოდებელი ვალდებულია:

6.3.1.სამუშაო შეასრულოს საპროექტო დოკუმენტაციისა და სატენდერო წინადადებით წარმოდგენილი პირობების შესაბამისად;

6.3.2.ხელშეკრულებით გათვალისწინებული სამუშაოები შეასრულოს და გადასცეს „შემსყიდველს“ არაუგვიანეს ხელშეკრულებით განსაზღვრულ ვადაში;

6.3.3.დაუყოვნებლივ აცნობოს „შემსყიდველს“ თუ მისგან დამოუკიდებელი რაიმე მიზეზი და გარემოებები საფრთხეს უქმნის ან შეუქმნის სამუშაოების მიმდინარეობას;

6.3.4.უზრუნველყოს სამუშაოს შესრულება ხარისხიანად, ხელშეკრულების, სამშენებლო სტანდარტებისა და შემსყიდველის მოთხოვნის შესაბამისად;

6.3.5.გადასცეს „შემსყიდველს“ უფლებრივად და ნივთობრივად უნაკლო სამუშაო;

6.3.6.შესრულებულ სამუშაოში ხარვეზის აღმოჩენის შემთხვევაში, საკუთარი ხარჯით აღმოფხვრას ხარვეზი;

6.3.7. ოპერატიულად შეატყობინოს შემსყიდველს ნებისმიერი ხარვეზის შესახებ საპროექტო დოკუმენტაციაში;

6.3.8. ხელი შეუწყოს ინსპექტირების ჯგუფს ან შემსყიდველის მიერ ზედამხედველობისათვის დაქირავებულ პირს სამუშაოების შესრულების პროცესში კონტროლის განხორციელებაში და მოთხოვნის შემთხვევაში უზრუნველყოს შემსყიდველი ორგანიზაცია ინსპექტირების

ჩატარებისთვის აუცილებელი პერსონალით, ტექნიკური საშუალებებით და სხვა სამუშაო პირობებით.

6.3.9 შემსყიდველის მოთხოვნის შემთხვევაში წარმოადგინოს შესრულებული სამუშაოებისა და პროექტის მიმდინარეობის შესახებ ანგარიში;

6.3.10. სამუშაოების წარმოების მთელი პერიოდის განმავლობაში უზრუნველყოს შესაბამისი უსაფრთხოების წესების დაცვა;

6.3.11. თანაბარი კვალიფიკაციისა და გამოცდილების მქონე პერსონალის დაქირავებისას უპირატესობა მიანიჭოს საქართველოს მოქალაქეებს.

6.3.12. საკუთარი სახსრებით უზრუნველყოს ნებისმიერი გაუთვალისწინებელი ხარჯების ანაზღაურება, ან საჭიროების შემთხვევაში პროექტში განხორციელებული ცვლილებებით ან/და დაზუსტებებით გამოწვეული სამუშაოების ხარჯების ანაზღაურება.

6.3.13. საკუთარი სახსრებით უზრუნველყოს დროებითი ელექტროენერგიის და წყლის მიყვანა, საჭიროების შემთხვევაში ტერიტორიის შემოღობვა, დროებითი ნაგებობების დადგმა და სამუშაოების შეუფერხებლად წარმოებისათვის სხვა ხარჯების დაფარვა.

6.3.14. მიმწოდებელი ვალდებულია დაფარული სამუშაოების დაწყებამდე 10 სამუშაო დღით ადრე შეატყობინოს შემსყიდველს აღნიშნულის შესახებ და ხელი შეუწყოს შემსყიდველის მხრიდან შესაბამისი ინსპექტირების განხორციელებას.

6.4. შემსყიდველი ვალდებულია:

6.4.1. მიაწოდოს მიმწოდებელს ყველა დოკუმენტაცია და ინფორმაცია, რაც საჭიროა სამშენებლო სამუშაოების განსახორციელებლად;

6.4.2. უზრუნველყოს ანგარიშსწორება ხელშეკრულებით დადგენილი პირობებით.

6.5. მხარეები ვალდებულნი არიან:

6.5.1. ერთმანეთს დაუყოვნებლივ მიაწოდონ წერილობითი ფორმით ყველა ის ინფორმაცია, რაც აუცილებელია ხელშეკრულებით გათვალისწინებული ვალდებულებების ჯეროვნად შესასრულებლად;

6.5.2. კეთილსინდისიერად შეასრულონ წინამდებარე ხელშეკრულებით ნაკისრი ვალდებულებები.

6.6. ნებისმიერ მხარეს უფლება აქვს მოსთხოვოს მეორე მხარეს წინამდებარე ხელშეკრულებით ნაკისრი ვალდებულებების ჯეროვნად შესრულება.

7. ხელშეკრულების უზრუნველყოფის საბანკო გარანტია

7.1. მიმწოდებლის მიერ წარდგენილი 5%-იანი (ხუთი პროცენტი) ხელშეკრულების შესრულების უზრუნველყოფის უპირობო და გამოუთხოვადი საბანკო გარანტია ძალაშია მისი გაცემის დღიდან და მოქმედებს -----.

7.2. მიმწოდებლის მიერ ხელშეკრულებით ნაკისრი ვალდებულებების დარღვევის (ვალდებულებების შესრულებაზე უარის თქმა, უხარისხოდ, არჯეროვნად შესრულება და ა.შ.) შემთხვევაში შემსყიდველს უფლება აქვს გამოიყენოს საბანკო გარანტია სამუშაოთა მიმდინარეობის ნებისმიერ ეტაპზე.

7.3. იმ შემთხვევაში, თუ მიმწოდებლის მიერ ვერ ესწრება სამუშაოს სრული მოცულობის შესრულება საბანკო გარანტიის ვადის ამოწურვამდე, შემსყიდველის მითითების საფუძველზე მიმწოდებელი ვალდებულია წარმოადგინოს, ამ ხელშეკრულების პირობებით, შეთანხმებული პერიოდის გათვალისწინებით გაგრძელებული ვადის მქონე საბანკო გარანტია.

8. გარემოს დაცვის, კულტურული მემკვიდრეობის და სოციალური ზეგავლენის საკითხები

8.1. სამუშაოთა მიმდინარეობის მთელი პერიოდის განმავლობაში და მათი დასრულების მომენტისათვის, აგრეთვე ხარვეზების გამოსწორების პერიოდში, მიმწოდებელი ყველა ღონეს იხმარს, რათა დაიცვას მშენებლობის მომიჯნავე გარემო, სოციალური გარემო, კულტურული მემკვიდრეობა და საზოგადოება ნეგატიური ზეგავლენისაგან და ცალკეული პიროვნებების შეწუხებისა და მათი ქონების დაზიანებისაგან, რაც დაკავშირებულია გარემოს დაზიანებებთან

ან სხვა მიზეზებთან.

8.2. მიმწოდებლის მიერ სამუშაოთა მიმდინარეობისმთელი პერიოდის განმავლობაში, ხარვეზების გამოსწორებასთან დაკავშირებული ყველა სამუშაო შესრულებული იქნება ხელშეკრულების პირობების დაცვით, იმგვარად, რომ შემსრულებელმა შემსყიდველს ააცილოს ყველანაირი პრეტენზია, ზიანი, ხარჯი და სასამართლო განხილვა, რომელიც შეიძლება ინიცირებულ იქნას მესამე მხარის მიერ მე-8 მუხლით განსაზღვრულ საკითხთან დაკავშირებით.

9. გარემოს დაბინძურება

9.1. სამუშაოთა წარმოების და მათი დასრულების შემდგომ მიმწოდებელი უზრუნველყოფს სამშენებლო ნარჩენების და ნაგვის გატანას, რომელიც წარმოიქმნა მშენებლობის პროცესში. მიმწოდებელი ვალდებულია დაემორჩილოს შემსყიდველის მოთხოვნას, რომელიც ითვალისწინებს სამუშაოთა მიმდინარეობის განმავლობაში მსგავსი დასუფთავების ღონისძიებების გატარებას.

10. კონტრაქტორის რისკები და ჩატარებულ სამუშაოზე გარანტია

10.1. სამუშაოების დაწყების თარიღიდან საბოლოო მიღება-ჩაბარების აქტის გაფორმებამდე, მიმწოდებელს ეკისრება პერსონალის დამავეების, სიკვდილის და ქონების დაკარგვის ან დაზიანების (სამუშაოების, მოწყობილობის, მასალების, დანადგარების და სხვა მასალების ჩათვლით) რისკები, ასევე მესამე პირებისათვის მიყებული ზიანის ანაზღაურების და გარემოს დაბინძურების შემთხვევები.

10.2. მიმწოდებლის მხრიდან მის მიერ შესრულებულ სამუშაოზე ვრცელდება საგარანტიო ვადა არანაკლები 3 წელი.

10.3. საგარანტიო პერიოდში მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა.

11. მხარეთა პასუხისმგებლობა ხელშეკრულების პირობების შეუსრულებლობისათვის

11.1. მხარეთა მიერ ხელშეკრულების პირობების შესრულებლობა, ან დარღვევა და/ან არაჯეროვნად შესრულება გამოიწვევს მათ პასუხისმგებლობას წინამდებარე ხელშეკრულებითა და მოქმედი კანონმდებლობით დადგენილი წესით.

11.2. „4.1“ პუნქტით განსაზღვრული ვადის დარღვევის შემთხვევაში, მიმწოდებელს დაეკისრება პირგასამტეხლო ყოველ ვადაგადაცილებულ დღეზე ხელშეკრულების მთლიანი ღირებულების **0,2%-ის** ოდენობით.

11.3. შემსყიდველს უფლება აქვს მოახდინოს გადასახდელი პირგასამტეხლოს გამოქვითვა მიმწოდებლისათვის გადასახდელი თანხიდან.

11.4. მიმწოდებლის მხრიდან ხელშეკრულების პირობების შესრულებლობისან არაჯეროვნად შესრულებისათვის შემსყიდველს უფლება ცალმხრივად შეწყვიტოს ხელშეკრულება.

11.5. იმ შემთხვევაში თუ, მიმწოდებელი ვერ, ან არ განახორციელებს ხარვეზის აღმოფხვრას სამუშაოს დასრულების ვადამდე, აღნიშნული ჩაითვლება სამუშაოს დასრულების ვადის გადაცილებად და შემსყიდველი უფლებამოსილია მოსთხოვოს მიმწოდებელს წინამდებარე ხელშეკრულების „11.2“ პუნქტით გათვალისწინებული პირგასამტეხლოს გადახდა ხარვეზის სრულად აღმოფხვრამდე.

11.6. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5%-ს, შემსყიდველი იტოვებს უფლებას შეწყვიტოს ხელშეკრულება.

11.7. პირგასამტეხლო დაერიცხება მხარეს ვალდებულების სრულად შესრულებამდე.

11.8. ნებისმიერ მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

11.9. მხარის მიერ ხელშეკრულების პირობების სრული ან ნაწილობრივ დარღვევის

და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებებზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ ცალმხრივად შეწყვიტოს ხელშეკრულება.

11.10. მიმწოდებელი პასუხს აგებს ქვეკონტრაქტორისა და მისი მომსახურე პერსონალის მიერ ჩადენილ ნებისმიერ ქმედებაზე, შესრულებულ სამუშაოში დაშვებულ ნებისმიერ წუნსა თუ დაუდევრობაზე.

11.11. მიმწოდებელი კისრულობს სრულ პასუხისმგებლობას ადგილზე შესრულებული სამუშაოების პროექტთან შესაბამისობაზე, სტაბილურობასა და უსაფრთხოებაზე, აგრეთვე სამშენებლო წესების, ნორმების და სტანდარტების შესრულებაზე და მშენებლობის ორგანიზებაზე.

11.12. სამშენებლო სამუშაოების წარმოებისას ნებისმიერი სახის ზიანიანდანაკარგი, რომელიც მიადგა მესამე მხარის ქონებას, დაუყოვნებლივ იქნება მიმწოდებლის მიერ აღდგენილი ან/და ჩანაცვლებული პირვანდელ მდგომარეობაში, ან/და ანაზღაურებული შესაბამისი ღირებულებით. აღნიშნულ საკითხთან დაკავშირებით მესამე პირებთან მოლაპარაკება უნდა აწარმოოს შემსრულებელმა.

11.13. მიმწოდებელი პასუხისმგებელია სამშენებლო ობიექტზე სამუშაოების უსაფრთხოდ წარმოებასა და ჯანმრთელობის დაცვაზე მოქმედი კანონმდებლობის და სამშენებლო სფეროში არსებული სტანდარტების შესაბამისად.

12. ხელშეკრულების მოქმედების ვადა და ხელშეკრულების შეწყვეტის პირობები

12.1 ხელშეკრულება ძალაშია მხარეთა მიერ მისი ხელმოწერის დღიდან და მოქმედებს 2012 წლის -

12.2 ხელშეკრულების ვადა შესაძლებელია გაგრძელდეს მხარეთა ურთიერთშეთანხმების საფუძველზე.

12.3. ხელშეკრულება შეიძლება შეწყდეს მხარეთა ურთიერთშეთანხმების საფუძველზე.

12.4. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება, რაც უნდა აცნობოს მეორე მხარეს წერილობით, არანაკლებ 5 კალენდარული დღით ადრე, იმ შემთხვევაში თუ:

13.4.1. ხელშეკრულების ერთ-ერთი მხარე სისტემატიურად არღვევს ხელშეკრულების პირობებს.

13.4.2. წინამდებარე ხელშეკრულების „16.1.“ პუნქტით გათვალისწინებული შემთხვევის დადგომისას.

13.4.3. დაუძლეველი ძალის (ფორს-მაჟორი) მოქმედება გრძელდება ერთ თვეზე მეტ ხანს.

13.4.4. წინამდებარე ხელშეკრულების „11.4“, „11.6.“ და „11.9.“ პუნქტებით გათვალისწინებულ შემთხვევებში.

12.5 ნებისმიერ მხარეს შეუძლია ცალმხრივად შეწყვიტოს ხელშეკრულება საქართველოს სამოქალაქო კოდექსით გათვალისწინებული საფუძველებით.

12.6. ხელშეკრულების შეწყვეტის შემთხვევაში მიმწოდებელი დაუყოვნებლივ წყვეტს სამუშაოებს და შემსყიდველთან შეთანხმებულ გონივრულ ვადაში ტოვებს ობიექტს.

13. ფორს-მაჟორი

13.1 ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

- 13.2. მხარეები არიან პასუხისმგებელნი თავიანთი ვალდებულებების სრულიად ან ნაწილობრივ შეუსრულებლობაზე, თუ ეს გამოწვეულია დაუძლეველ ძალთა გარემოებებით (სტიქიური მოვლენები, სამხარი მოქმედებები, გაფიცვები და სხვა);
- 13.3. მხარემ რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ.
- 13.4. წერილობით შეტყობინებაში მითითებული გარემოებები დადასტურებული უნდა იქნეს კომპეტენტური ორგანოს მიერ. დადასტურება არ არის საჭირო თუ აღნიშნული ფაქტები ცნობილია საზოგადოდ.
- 13.5. ფორს-მაჟორული გარემოებების აღმოფხვრისთანავე მხარეები ვალდებული არიან შეასრულონ წინამდებარე ხელშეკრულებით ნაკისრი ვალდებულებები.

14. შეტყობინებები

14.1. მხარეებს შორის შეტყობინებებს ძალა ექნება მხოლოდ მაშინ, თუ ის შესრულდება წერილობითი ფორმით და გადაეცემას ხელშეკრულების მეორე მხარეს.

15. ხელშეკრულებაში ცვლილებების შეტანა

- 15.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 15.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

16. ხელშეკრულების დადების საფუძველი

16.1 ხელშეკრულების დადების საფუძველი არის „სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის „ჟ“ ქვეპუნქტი.

17. ხელშეკრულების მოქმედების ვადა

17.1 წინამდებარე ხელშეკრულება ძალაში შედის მხარეთა ხელმოწერის დღიდან და მოქმედებს არაუმეტეს 2012 წლის -----მდე.

18. დასკვნითი დებულებები

- 18.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.
- 18.2. ხელშეკრულება შედგენილია ქართულ ენაზე სამ თანაბარმნიშვნელოვან ეგზემპლარად (ერთი ეგზემპლარი მიმწოდებელს, ხოლო ორი შემსყიდველს).
- 18.3. ხელშეკრულების ცალკეული მუხლის და/ან პუნქტის ბათილობა ან ძალდაკარგულად ცნობა არ ახდენს გავლენას მთლიანად ხელშეკრულების ან მისი სხვა ნაწილზე.
- 18.4. ურთიერთობანი, რომელიც არ არის რეგულირებული წინამდებარე ხელშეკრულებით¹²

რეგულირდება მოქმედი კანონმდებლობის შესაბამისად.

მხარეთა რეკვიზიტები და ხელმოწერები
შემსყიდველი

საქართველოს გაერთიანებული
სამელიორაციო სისტემების კომპანია
კოდი: 204524568
მის: ქ. თბილისი, II ხეივანის №4.

საბანკო რეკვიზიტები:

ს/ს -----

ბანკის კოდი: -----

ა/ა: -----

დირექტორი: შალვა ქურდიანი

მიმწოდებელი

-----ს/ კოდი: -----

მის: -----

საბანკო რეკვიზიტები:

ბანკის კოდი: -----

ანგ. №-----

დირექტორი

სატენდერო წინადადება

თარიღი:

ვის: შპს „საქართველოს გაერთიანებული სამელიორაციო სისტემების კომპანია“

ვისგან: (პრეტენდენტის სრული დასახელება და მისამართი)

შევსწავლეთ რა სატენდერო დოკუმენტაცია (სატენდერო განაცხადის №
_____)

(მოუთითეთ განაცხადის ნომერი და კატეგორია სისტემის მიხედვით)

თანახმა ვართ, ელექტრონული ტენდერის სატენდერო დოკუმენტაციის შესაბამისად განვახორციელოთ შპს „საქართველოს გაერთიანებული სამელიორაციო სისტემების კომპანიისთვის“ CPV - 45200000 - სამუშაოები მთლიანი ან ნაწილობრივი მშენებლობისათვის და სამოქალაქო მშენებლობის სამუშაოები (CPV - 45232120-საირიგაციო სამუშაოები), და გთავაზობთ ზემოაღნიშნულის შესრულებას შემდეგ ფასად:

_____ (_____) ლარი

ჩვენი სატენდერო წინადადების გამარჯვების შემთხვევაში ვიღებთ ვალდებულებას, დავიწყოთ სამუშაოების განხორციელება შემსყიდველის მოთხოვნის შესაბამისად და დავასრულოთ 2012 წლის ----- მდე.

ამით ვადასტურებთ, რომ გაცნობილნი ვართ „სახელმწიფო შესყიდვის შესახებ“ საქართველოს კანონისა და „სახელმწიფო შესყიდვის ელექტრონული საშუალებით განხორციელების დროებითი წესის“ დებულებებს და ტენდერის მსვლელობის დროს ვიმოქმედებთ დადგენილი ნორმების ფარგლებში.

პრეტენდენტის წარმომადგენლობაზე უფლებამოსილი პირის ხელმოწერა, სახელი, გვარი და თანამდებობა

ინფორმაცია პრეტენდენტის რეკვიზიტების შესახებ

1.	პრეტენდენტის იურიდიული ფორმა და დასახელება:	
	ხელმძღვანელის სახელი და გვარი:	
	პრეტენდენტის იურიდიული ან/და ფაქტიური მისამართი:	
	საიდენტიფიკაციო კოდი:	
	პრეტენდენტის ტელეფონის ნომერი:	
	ელექტრონული მისამართი:	
	ბანკი:	
	ბანკის კოდი:	
	ანგარიშის ნომერი:	
2.	სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:	
3.	ხელშეკრულების უზრუნველყოფის საბანკო გარანტიის ოდენობა პროცენტულად:	

ინფორმაცია ბოლო სამი (2009-2010-2011) წლის მანძილზე განხორციელებული
სამშენებლო სამუშაოების შესახებ

N	შესრულებული სამუშაოს დასახელება	შემსყიდველის დასახელება	შესრულებული სამუშაოს ღირებულება	სამუშაოების შესრულების ვადა (დაწყების თარიღი --- დასრულების თარიღი)
1				
2				
3				
4				
5				
6				

ხელმოწერა

ბეჭედი

ხელშეკრულების შესრულების საგარანტიო უზრუნველყოფა
(საბანკო გარანტია)

ვის: _____
(შემსყიდველის დასახელება)

მხედველობაში ვიღებთ რა, რომ _____
(მიმწოდებლის დასახელება)

შემდგომში “მიმწოდებელმა” _____ ტენდერში წარდგენილი თავისი
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე

(თანხა ციფრებით) (თანხა სიტყვებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

(თარიღი)

(მისამართი)